

228674

京都大学図書印

永樂大典

卷 一四〇五六	卷 一四〇五五	卷 一四〇五四	卷 一四〇五三
祭字	祭字	祭字	祭字



百四七

永樂大典卷之一萬四千五十三

四霽

祭

祭文十一

姪唐韓昌黎集祭十二郎文。年月日。方無日字。宋訛作貞元十九年。五月二十六日。季父愈聞汝喪之七日。乃能銜哀致誠。使建中遠具時羞之奠。告汝十二郎之靈。文苑郎下有字字。今按郎字。是當時語。雖不必存。亦不可不知也。今謹補之。嗚呼。吾少孤。及長。不省所怙。惟兄嫂是依。中年兄歿南方。吾與汝俱幼。從嫂歸葬河陽。既又與汝就食江衡。零丁孤苦。未嘗一日相離也。吾上有三兄。皆不幸早世。承先人後者。在孫惟汝。在子惟吾。兩世一身。形單影隻。嫂常撫汝。惜吾而言曰。韓氏兩世惟此而已。汝時尤小。當不復記憶。吾時雖能憶記。亦未知其言之悲也。吾年十九。始來京城。其後四年。而歸視汝。又四年。吾往河陽省墳墓。遇汝從嫂喪來葬。往。上武無吾字。又二年。吾佐董丞相于汴州。汝來省吾。止一歲請歸。取其孥。種下或有奉字。明年丞相薨。吾去汴州。汝不果來。是年吾佐戎徐州。使取汝者始行。吾又罷去。汝又不果來。任上或有又字者。上或有使字。吾念汝從

于東東亦容也不可以久圖。久遠者莫如西歸。將成家而致汝。或有兩個字。一屬上句。非是。嗚呼。孰謂汝遽去吾而殁乎。謂或作焉。而下或有先字。

吾與汝俱少年。以為雖暫相別。終當久與相處。故捨汝而旅食京師。以求斗斛之祿。誠知其如此。雖萬乘之公相。吾不以一日輟汝而就也。去年孟東野往。吾書與汝曰。吾年未四十。而視茫茫。而髮蒼蒼。而齒牙動搖。方云蜀人史彥升云。退之祭文。視荒荒。今俗本作茫茫。非是。陳后山詩。平陳郎毛視荒荒。本此也。今按古書。如荒忽茫忽之類。皆一字也。意義多相近。當存之。念諸父與諸兄。皆康疆而早世。如吾之哀者。其能久存乎。存。方作在。吾不可去。汝不肯來。恐旦暮死。而汝抱無涯之戚也。去或作知。孰謂少者歿而長者存。殯者大而病者全乎。嗚呼。其信然耶。其夢耶。其傳之非其真耶。或無其夢耶。三字。信也。吾兄之盛德。而天其嗣乎。汝之純明。而不克蒙其澤乎。少者殯者。而天殯。長者哀者。而存全乎。未可以為信也。夢也。傳之非其真也。非上或有者字。東野之書。耿蘭之報。何為而在吾側也。嗚呼。其信然矣。吾兄之盛德。而天其嗣矣。汝之純明。宜其家者。不克蒙其澤矣。業或作業。所謂天者。誠難測。而神者。誠難明矣。明方作得。非是。所謂理者。不可推。而壽者。不可知矣。壽方作年。雖然。吾自今年春。蒼蒼者或化而

為白矣。動搖者或脫而落。蒼蒼下或無者字。毛血日益衰。志氣日益微。幾何不從汝而死也。志氣。方作氣。志。死而有知。其幾何離其無知。悲不幾時。而不悲者。無窮期矣。汝之子始十歲。吾之子始五歲。少而強者不可保。如此孩提者。樊曰。汝之子始十歲。謂湘也。吾之子始五歲。謂杞也。其後湘登長慶三年第。杞登四年第。杞主館。蔡館咸通四年。杞七年進士。天之所以昌韓之族如此。孰謂不可冀其成立耶。又可冀其成立耶。十。或作一。方云。老成二子。曰湘。曰潛。以李子出繼。則湘固宜十歲也。嗚呼哀哉。嗚呼哀哉。汝去年書云。此得軟脚病。往往而劇。此。或作此。非是。吾曰。是疾也。江南之人。常常有之。未始以為憂也。南下或無之字。憂下或無也字。嗚呼其竟以此而殞其主乎。抑別有其疾而至斯乎。斯下或有極字。汝之書。六月十七日也。東野云。汝殁以六月二日。耿蘭之報無月日。或作日月。蓋東野之使者。不知問家人以月日。如耿蘭之報。不知當言月日。或無如字。言或作時。今按陸德明經典釋文序。論當時語音之訛。有曰。而如聲異。則此如字。即而字之轉耳。不知當言月日者。蓋言耿蘭之報。所以無月日者。由其不知赴告之體。當具月日以報也。東野與吾書。乃問使者。妄稱以應之耳。其然乎。其不然乎。東上或有蓋字。方無其不然乎一語。今吾便建中祭汝。弔

汝之孫與汝之乳母。彼有食可守。以待終喪而取以來。如不能守以終喪。則遂取以來。其餘奴婢。並令守汝喪。或作葬。吾力能改葬。終葬汝於先人之兆。然後惟其所願。方無終葬二字。願下或有焉字。嗚呼。汝病吾不知時。汝歿吾不知日。生不能相養以共居。沒不得撫汝以盡哀。歟。不憑其棺。寔使膝切下棺也。不臨其穴。憑上臨上。或並有得字。吾行負神明。而使汝夭。不孝不慈。而不得與相養以生。相守以死。行。或作何。一在天之涯。一在地之角。生而影不與吾形相依。死而魂不與吾夢相接。吾實爲之。其又何尤。彼蒼者天。曷其有極。自今已往。吾其無意於人世矣。當求數頃之田於伊潁之上。以待餘年。方作畫。今按或當作待盡餘年。教吾子與汝子。幸其成。長吾女與汝女。待其嫁。如此而已。嗚呼。言有窮而情不可終。汝其知也。抑其不知也。抑。嗚呼哀哉。或無此句。尚饗。胡文簡公集祭姪文。維紹興十一年歲次辛酉四月己巳朔二十三日辛卯。叔積中兄宗古具時羞清酌之奠。祭于念六郎貢士之靈曰。吾於汝年則長矣。體力衰矣。汝年未十五。則少於我也。體力方強。則不如我之疲也。吾方賴汝持門戶。張大宗族。庶幾逸我以老。且百年託汝以子孫。吾雖瞑。無遺恨焉。嗚呼。孰謂汝遽舍吾而沒乎。孰謂少者沒而長者存。強者夭而衰者全乎。汝之孤弱。不克家。

汝之母則垂幸矣。皆吾之所深憂。吾既夫所託。而汝反以是累我耶。汝則
瞑矣。吾百年何能瞑乎。嗚呼。悲夫。尚享。宋林父軒集。祭王郎文。二月既
望。越浹日庚辰。叔具位林某。以觴酒肴。載告汝秘校王郎。孺人五十六姐
之靈。嗚呼。吾在嶺海。聞汝夫婦。相將來歸。一夕逢迎。春風滿屋。我涉里門。
中表畢來。獨汝夫婦。載寄荒村。我懷仲氏。涕淚如注。更須一往。撫汝之孤。
尊酒告汝。悲恨何窮。尚享。元方德麟集。祭姪銓祖文。嗚呼。七襄之年。可
謂壽矣。草數自牒。曾何歎乎。此榮啓期所以樂。而熙妻所以為康也。存順
沒寧。吾知子無待於外矣。嗚呼。百世衣冠之緒。一門骨肉之情。又忍見夫
輜車將駕。而千古之永訣耶。祖奠一觴。子其知也耶。代祭姪汪道夫直
夫文。維年月日。故道夫直夫將歸。寔于黃山之原。霜風淒其。丹旌翩然。
斷雲殘照。翳翳其將下。素車白馬。踟躕而不前。於是季父某。駐其軀於道
周。酌而哭之曰。嗚呼。孟也。幹父用譽。庶乎家之賴也。嗚呼。仲也。唯學遜志。
庶乎業之榮也。嗚呼。天地鼓鑊。璞碎而不使之成也。霜風丹旌。可盈盈也。
寡妻弱子。何號贊也。竹林棋墅。悅宿昔之隔生也。埋壁黃壤。子何以為情
也。嗚呼。子也。尚於此手歎。

表姪宋孫獨湖先生集。祭表姪莫幼明秀才文。嗚呼。事有不容於前。起

數有不可以預期德或與而為憾。善或終之以悲。人生孰無一死。若汝之死。則吾實莫知其所為。吾之族親固少。其業儒者尤少。業儒而可共學者。又加少。自我先君。蓋嘗歎息於斯。而惟乃父我之自出。視我先君。亦步亦馳。暨汝伯氏。亦克自立。惟吾兄弟是依。汝昔稚齒。而我宦游。及歸自蜀。見汝始冠。而甚愛其天資。我之在鄉。汝不我離。我宰琴川。復以汝隨。汝疾而歸。我送以詩。我已未之滿成。忽官謫之百罹。繫窮途而相望。汝隱憂而涕洟。幸再歲之來還。汝疾平而尚羸。吾嘗疑汝骨清寒而難壽。猶默謂汝眼端秀而一奇。教我書而酷肖。聽我言而善思。滄外物以無好。儼暗室而不欺。蓋其主也。二十八年。未嘗有子弟之過。若金玉之無疵。嗚呼。吾是以嘗欲扶持以成就汝。汝何忍捨我而遽死也。捨我猶可。何忍捨而母而兄而遽死也。吾邑前大夫常侯。世為名家。身為名人。汝惟幼賤寒族異鄉。欲交何由。去年之春。侯初訪我。為子求師。吾未有以對也。而汝來自外。適在吾傍。吾愕且喜。即以汝授侯。自是每得侯書。未嘗不稱賞汝。傳聞一邑。遂皆知汝之為善士。當是時。而母而兄以德以善。蓋可知矣。然汝仲氏代汝舊館。曾不兩月。忽天非命。是則因我舉汝。而使汝家不見汝。仲氏之死也。抑猶未以為深悲。而甚憾也。而汝於侯。膠漆目堅。侯群而西。苦欲汝挈。而母

而兄皆聽汝行。汝之別予。意雖踟躕然。豈謂其終天之訣乎。汝客帝里。衆傳我死。想汝心驚。宿病復萌。幸既相聞。書來勤勤。買藥求方。勸我自防。尋報汝疾亦已就康。胡云又病。遂止於此。嗚呼。是又因我而使汝家不得見汝之死也。其能不悲之深。而憾之甚乎哉。雖然。汝為何人。生長何方。而常侯一門。內外百口。附汝如子弟。哀汝如其骨肉。醫藥棺斂。毫髮無悔。而吾常侯親為奔走。浙江之上。具舟徒以濟汝。使汝伯氏迎汝之柩。不勞寸力。輕行善達。以返而家。是孰使之然歟。莫之為而為者。非天歟。莫之致而致者。非命歟。然則汝雖欲勿死於異鄉。其可得耶。雖然。汝母老矣。去年哭一子。今年又哭一子。雖曰非我累之。實亦由我致之。吾猶自悲且自憾。而況於汝家也。汝喪及門。吾既哭汝。吾誓適鄣。汝葬未決。脫或後期。不免臨穴。用先一奠。極寫予哀。嗟汝已矣。無復望矣。然予之文園不足傳於世。其萬而有一傳。則汝之名猶可托予以不朽。於汝足矣。嗚呼。汝靈其克知之。哀哉痛哉。

妻父宋李壁。屬潮集祭丈人張大卿文。維嘉定四年。太歲辛未。二月甲寅朔二十一日甲戌。子婿降授朝議大夫丹枝縣開國子。食邑九百戶。食實封三百戶。賜紫金魚袋。李某謹以清酌庶羞之奠。致祭于親。使都運寶

謨大卿丈人之墓。嗚呼。盛德故家。龜紫蟬聯。賡奕奕文獻。世遠益綿。維公鍾
 美。穎脫妙年。有萬載籍。馳騁貫穿。後為詞章。其筆如椽。雅興郁揚。鍾磬在
 編。書無八法。鳳舉鳴仙。錯落爾素。秀勁清妍。維公之才。自視無前。藝業之
 富。蔚如山淵。充其素意。圖像凌烟。早僅詞館。晚載月珩。有欲援之。特索英
 躔。彼伏側目。遽起而挺。藩條使旨。妻謹布宣。轍迹所至。軒轅屢砥。繫此全
 能。世孰與肩。晚探至道。妙極幽玄。離落萬果。咫尺三山。要其指歸。沐浴之
 傳。蝶順之江。鏡瀉明顯。鳬舄侍側。養倖參簫。紳綬景從。文義磨研。何意一
 疾。亟棄而倦。醜彼膚回。波漫株連。所竊山嶽。所挾毫消。嗟嗟先生。乃周奇
 偏。晚遂投紱。高節獨全。維其言立。並美儒先。褒紳游下。光照埃壘。繫公之
 女。相我豆蓬。教飭有素。甚淑而賢。賓緣登門。十閨周旋。愚不自計。出嬰世
 患。乙丑之秋。遠使幽燕。兵禍已作。公憂見顛。連聞其歸。喜形詩篇。旋以亡
 狀。任參扶顛。不敢愛死。懼辱知憐。一聆公喪。焦心破肝。婦病在牀。隨翁入
 泉。禍疊併集。我亦南遷。汝水我峯。蓋將終焉。皇覽下燭。萬里西還。室空無
 人。誰不煩擲。淚盡遺掛。餘悲莫瀟。竭來拜公。墓草芊芊。圖書故在。堂奧依
 然。而我已衰。脫齒童顛。緬懷疇昔。斷斤紀絃。賴有今子。顧我拳拳。宛如公
 存。相茂石堅。爰矢忱詞。醴酒盈船。英靈未泯。其鑒精虔。又 祭外舅張

大卿文。猗歟公先。奕葉簪纓。時美垂裕。是鍾名卿。才郎峻明。蚤有顯聞。鵷鷺汗血。高厲遠騁。一登蓬丘。將最外庸。慶傳所臨。穆如清風。仁深拯餓。全活萬計。文業必親。固有寬滯。甫儀南宮。廷尉是司。議法不阿。說口乘之。休于中園。要起旋仆。惟其寢佚。卒與時忤。挂冠不愈。維天子恩。尚以書詩。誨其里人。從養于眉。時過我廬。室適人遠。公懷弗終。謂予遠歸。老同歡歌。遽棄而先。嗟哉奈何。公之吐辭。玉質天葩。豐約中度。自是名家。晚探道真。蓋自骨髓。浮夸剝落。妙契一唯。春秋魯論。亦既成書。心所獨詣。前無諸儒。子雲不興。此理誰晰。藏諸名山。姑待後世。如某愚陋。獲登公門。公雖錫舅。情實弟昆。少狂高論。弗能下氣。公愛其才。弗我孔異。別公而東。歲行五春。承乏禁林。恩大無碑。方丁危疑。深入寇讎。義不敢辭。願貽公憂。問關主選。奏疏便坐。出非無名。時則未可。公許我忠。以詩數譽。修攘有序。子孟良圖。屬兵既交。軍債將失。上思曩言。俾貳宰席。宰辭弗獲。棟桷是虞。方佇砭石。書來計俱。吁嗟乎公。而止斯耶。并直禹謨。綸言甚華。縑弗大施。是則有命。所哀若人。風流頓盡。公女馬孝。哭不可聞。語我銘公。公愛子文。歸當如言。今繫萬里。將誠菲奠。淚血盈背。周益公大金集祭外舅王舉院文。雖乾道六年歲次庚寅閏五月庚辰朔二十六日己巳。某具位周某某謹以清

酌庶羞之奠。敢昭告于外舅提刑蔡院王公之塋。嗚呼。公有通經博古之學。而不盡施於事業。有撥繁濟劇之才。而不盡見於施爲。官雖遠而人猶悼其屈年。雖高而志未向乎衰。此中外所共悲。非親黨得而私也。惟鄙不肖。爲公所知。二十年前。有合有離。往聞公抱病於南溪之上。蓋嘗冒彭蠡之險。涉長江之危。曾是四旬之候。惻然隔世之悲。雖徘徊之累月。迄差池於葬期。念佳城之一閭。候芳歲之三馳。粵自江而徂浙。忘雨沐以風吹。逮弭櫂於故居。懷握手於平時。何英安之凜凜。乃封土之纍纍。跪陳辭而薦酒。莽無言而寄思。嗚呼哀哉。尚饗。陳藻樂軒集代祭丈人文。年月日。文人提刑林公之柩。出將葬于藍前山。甥丘耕方集。以觴酒豆肉哭辭于道周。從甥趙淳以齒先執初獻。嗚呼。我三人者。均受麻思。昨者送公。願顯歸軒。今者送公。各各歸鬼。有限緣法。無窮乾坤。耕也自少。忝遊公門。我絃雖斷。公如女存。我男已長。則公外孫。公培其枝。實痛在根。在集之婦。有二女昆。皆嫁而死。情鍾莫分。挈以婦俱。隨公守藩。飲食教誡。欲報難論。淳觀猶子。先儒格言。誰能踐履。從公請婚。乃如孫姪。分飽公溫。況上一層。施寧憚煩。治家理郡。同是一源。嘉謀厲刻。因徹天關。惜哉繡斧。未究平反。用雖不盡。留付蘭蓀。朔風鈴鼓。寒日旗幟。云徂何往。歸掩高原。何以告忱。匆匆酌

樽何以告哀。汪汪淚痕。代祭婦翁文。吁嗟丈人吾母氏之從弟。吾為丈人婿。不在載而賦斷絃之悲。今二十年而蒼顏白髮。來哭丈人之喪。嗚呼。五婦未嫁而嫂氏已寡。婦翁弱靈。茲焉並出。衰麻數數。曩時之人。惟游氏姨也。嗚呼。骨肉凋落。頭顱幸存。顧令妻子。疑是前身。淒涼生理。禮乘風懷。何以為酬。惟多出涕而已矣。又。於乎已矣。平頭六十。固非長久。甲子一周。亦非不壽。血氣方剛。已能學佛。喜溢顏閭。與人無拂。我為子婿。敬公長者。公亦愛我。如其息也。我有男女。初生舅家。公撫二孫。愛怜豈涯。暨舟夜移。起尋無所。公德滿懷。瀝為危醢。矣矣夏日。慘戚如秋。行行柩車。聞哭少留。於乎已矣。代祭婦翁文。於乎。誰無父子。父子摩空。十載聲名。繼梗南宮。一第誰無。罕能延世。父子自郎。門戶不替。孰哭難兄。豈管題輿。孰哭丈人。河源大夫。我來請輿。亦慕君屋。豈謂登堂。再拜而哭。寒日朝光。翼鐸前將。欄路一觴。語人不能長。又。嗚呼。昨者所媒。來則相許。謂識吾翁。真淳我語。我亦何人。感君特達。奚哉未見。死生契闊。三酌道周。白公女婿。何待被雲。自多墮涕。又。嗚呼。進士甲科。邦人喜悅。待官七載。赴官幾月。有人於此。為禍非常。幸公之家。薄田有糧。造物戲場。翻覆變化。達者為常。人以為訝。伊誰之柅。坎此山阿。官職雖卑。姓字巍峨。念昔先人與

公文處顧我小子誤蒙推許我雖託昏在公身後想公有靈享我斯酒
葛勝仲丹陽集祭外舅張朝散文 嗚呼元豐季年公墨諫紙據忠論事
慷慨奇偉可罷可行曰此曰彼遂麟敢嬰儒者典起流離十霜以困目喜
紹聖簡求擢官大理適臣颺言文甲御史帝曰汝俞召升軒陛開陳縷繆
朝綱國是帝用嘉之言傾其耳謂當施行徑躋華仕如何南箕滯成多侈佐
郡饒陽進尺退咫天不慙遺乃終于此惟公尹時趣尚洵美浮念雜好如
棄塵滓沉涵羣經該總百氏陰陽星歷醫卜方伎一物不知為身之耻蓄
藏既多奮無幾間闕沒身命也天只昔我弱齡從親遶水公實奇之有譽
無訛謂器萬乘謂駒千里恩勤綢繆乃妻以子出入門牆且踰一紀不我
鄙遇教載撫視孰謂半室遽失憑恃公介之婦又實女弟贅幣未行已聞
生死丹旌有翻言旋歸止遣辭寄哀泣濡輜凡尚想平生歆此嘉旨尚饗
慕容彥達稿文堂集祭舅朝奉文 某罪逆不孝故春三月扶護東下秋
七月與丈人相遇于維揚時丈人氣貌悅懌步趨輕捷瞻視有力飲啖陪
常咸謂壽社方未艾也拜別不半年凶問奄至嗚呼哀哉尚忍言之耶承
靈柩毗陵某方泣血待盡不敢違几筵前請喪次謹遣弟某往致薄奠伏
惟尊魂持岳鑒察劉給事集祭張宗博文 惟公沉識偉器見于夙成登

檀辭場領袖後生。旋宰劇邑。治煩有聲。受佐大府。錫來帝京。親賢宗藩。公族是程。優游靜退。利徑靡爭。有識咨嗟。躁進革情。謂公見知。臺省飛纓。云胡不淑。禍患相仍。綿延累載。竟殞厥靈。嗚呼哀哉。如何不肯。舊辱公知。館我甥室。時布衣提。勢剪拂。終到金閨。非公之賜。何以至斯。昔公罹難。遠歸海涯。我亦去國。假守淮西。相望天末。江湖渺瀰。孰謂數月。公計遽來。聞問驚惶。肝膽沸騰。靡能片來歸。公喪在堂。入門望帷。涕泗已滂。嗚呼哀哉。謂才必達。公乃困阨。謂仁者壽。公壽不多。悠悠蒼天。白如之何。公有令子。克紹厥緒。公今云亡。豈復茲慮。惟我鈍頑。凜凜危懼。厚德不報。尚期末路。敢以菲薄。恭薦情素。冀公不昧。歆此奠醢。汝礪鄒陽。舉祭霽子。發文元豐六年。寡妻德化君宅後二年。失所時。後三月外姑卒。又二年吾舅卒。欲寫吾哀未之能。今年正月朔。倏卒。嗚呼。吾舅氣蜺虹而操冰雪。才足以大其家。而有餘志。足以紹其先。而不吝一病。輒不揀。嗚呼其奈何。夫物少必壯。壯必老。老必衰。衰必死。雖有智力不能為計。然吾舅壯侔少。乃相繼踵死。則老而衰且病者其何逃。又祭外舅霽公文。我昔未至。公問我以書。我之欲至。公逆我于途。既拜于堂。愛誨勤勤。今我來斯。不復見聞。乃徒見山間蒼篴之竹。冢上蒼蔚之松。摩青雲而蔽日。泣夜雨而號風。朝夕予

淚無盡兮予愁徒陳詞以薦酒。幸靈馭之來游。猗與舅氏剛毅靜嘉。克
成其身。以有厥家。不父不耆。善執尸和。彼月斯征。義經者除。有醴有牲。孔
碩孔時。孰發我思。文以昭之。舒岳祥聞風集祭妻父王公文。嗚呼。晴月
暖風。寫公德容。匯澤春浸。狀公心骨。不亨其施。而善厥躬。亦既亨止。今聞
孰蒙。維時不獲。有壽其逢。早纏末疾。凡杖一室。儼然瘦鶴。風骨率偉。我來
拜公。載色載笑。酌以玉彝。祝我達到。我驕公飲。祝以難老。歲時候問。謂復
見之。十年不見。性矣莫追。嗚呼。我年十七。為公之婿。年三十二。哭公之逝。
今既六十。公始即窆。身居子列。義當公過。白頭幸存。滴淚寫此。

妻兄宋胡寅斐然集祭妻兄張撫幹良臣文。昔我冠年。群試南宮。即以
藝文受知。而翁收置門闥。妻以愛女。復交昆仲。竟歲遊處。劬官谷社。君在
定陶。匹馬見過。意方逸豪。遺俗故家。尚有存者。弔古搜奇。歡不忍舍。我屢
空來。相與契闊。乙卯會語。丈人已沒。曾未三年。予復悼亡。君之仲氏。立木
既長。廣中訪君。家山蕭寺。悲笑雜集。如夢中事。丙寅之秋。予還武夷。未及
尋君。君喜而來。留止彌旬。情好逾厚。觀君氣骨。堅耐如舊。豈謂此別。遽隔
死生。一朝計至。驚呼失聲。篤實之資。科戔之行。謹幹之才。樂易之性。青衫
下僚。迄不一施。僕克厥家。而止於斯。君幸有子。仍有季弟。武部之澤。庶其

在是望君千里。遠遣此觴。瞻昔之思。曷日而忘。

外祖周益公大全集祭外祖王給事家諸文 維淳熙十年歲次癸卯十

月壬辰朔外孫具位周某謹遣使李椿以清酌庶羞之奠致祭于外祖給事待制贈少保王公。外祖母衛國夫人宋氏亡舅通判二十八大夫亡姪

宜人韓氏之塋。共惟外氏昔為大家今茲丘壠近在陽羨而祔嗣湮替宿草弗除某繫官于朝未由拜掃孟冬之朔俗重祭墓道達伸奠酹不勝凱

風寒泉之思伏惟尚享。元王憚秋閨集遷奉安縣丞外祖并外媼王氏祭太。憚以前歲後十一月二十三日為遷奉之事已告尊靈今者應期舉

厝永慰幽贊以順從祖以安則鄉。附我外姪闕此玄堂新雖哀宗在公未傷有甥妹以主祀重時思而不忘是則不必其子而光揚也有牲斯對有

酒斯香惟神昭鑒歆此一觴尚饗。

親家清江三孔集孔平仲祭親家應朝敬文 維紹聖二年歲次己亥正

月戊寅朔日具位謹以庶羞清酌之奠致祭于故親家朝敬應君之靈嗚呼我之女弟君之弟婦歲年不幸人情宜踈惟君縫紵愈久彌篤德義可

託復聯昏姻乃以息女歸君之子鄉土接連世契稠疊惟君中粹外溫又廉且直謂當進用為儀天朝夫何奄忽以至大故聞訃夫聲哭不待次山

川阻脩職事有守。寓誠一暴。悲來無窮。播芳大全集陳了翁祭朱時發親家文。嗚呼。昔會靜海。于今六年。君護喪歸。我以竄遷。迢隔三江。懼無還期。天子仁聖。復令我歸。離台之時。未得君計。單舸北來。猶冀復晤。白沙之傳。初信且疑。今知果矣。孰如我悲。君老苦學。超一而專。富而能貧。內無間言。寂默能仁。為方外師。志者於仁。孰得而疵。仁則於壽。胡不期頤。天所促延。人莫可知。君於世味澹乎其歸。苦樂壽夭。存殁豈移。淮江阻脩。莫不以時情發於辭。君其鑒之。嗚呼尚饗。又。惟靈之生。婦德著芳。柔淑且慧。忘怨惡芳。賢哉主饋。克助芳。敬長恤孤。宗姻譽芳。既肥其家。儉而治芳。振振繩繩。繁而庶芳。宜耆而艾。何朝露芳。彼蒼者天。明而鑒芳。胡其不仁。奪之遽芳。如晝而夜。抑定數芳。伊令仲子。子女女芳。粵予外孫。而許娶芳。再世婚姻。嗟莫顧芳。追懷感傷。曷云喻芳。載以清醕。殺饌具芳。伊禮之薄。盡其懷芳。嗚呼靈芳。莫予吐芳。

姑夫播芳大全集祭姑夫李提舉文。嗚呼。昔我先君愛鍾今女。擇所宜從。以歸于子。子昔悼亡。我方居憂。痛在手足。涕不可收。李妹繼適。今能幾時。子既殞矣。孰知我悲。我非明哲。觸禍固宜。子亦放廢。一斥不歸。窮達死生。所遭各異。海波桑田。變遷不已。數極而化。亦又奚傷。君子之道。死也不